

Среда, 13 август 1941 ар
№ 65 (876)
11-тй АРЗЭ ПОТЭ.
Дуныз: толзълы 45 коп.

УДАРНИК

ВКП(б)-лэн М-Пургинской
Райкомезлэн но Райсоветлэн
органы.
(Адрес: с. М-Пурга, УАССР)

Колхозной нянез пожар'ёслэсь утёно

Асьме колхозник'ёс но колхозницаос, узыр урожаеэ ыштон'ёстэк октыса-калыса, быдэс'яло важнейшой государственной ужез. Соос ужало ноку лунылмтэ энтузиазмен, тодо, что котькудиз бичам мултэс пуд нянь—тушмонлы пезьдэт.

Азьмынись колхоз'ёсын котьку ик нянез охранять каронлы бадзым саклыкэн отнотысь кариськизы. Бусыосын лэсьтылдызы наблюдательной пост'ёслы вышкаос, бусыосты котыр'язы валэн но велосипедэн дозорнойёс. Али бусыосты, кутсаськон интыосты но нянен амбар'ёсты охранять карон ужез пуктоно трослы сакгес но организованогес, кызы сое кулэ каре военнсий дыр.

Фашистской бандит'ёс кин синмын учко советской ваньбур шоры, нянь шоры, кудиз асьме кужымен поттэмын. Фронтлэн мышказ кутэмын ни данак диверсант'ёс, куд'ёсыз задание басьтйлям нянез сутыны му вылаз, кабан'ёсысь но склад'ёсысь.

Луоно бдительной, народной достоянилэн сак стражениз—сыче священной обязанности котькуд колхозниклэн, котькуд колхозницалэн, котькуд советской гражданилэн.

Бусыосын (пыдын, валэн, велосипедэн) круглосуточной дозор'ёс, кутсаськон интыосын, зернохранилищес дорын наблюденилэн круглосуточной пост'ёсыз эскероно луо сое, чтобы палэнтны дырыз дыр'я не толькы тыл поныны туртсиксьёсты, но и пожарлэсь котькыче кышкытлыксь.

Кутсаськон лапас'ёсы пуктоно ручной пожарной насос'ёс, уробоосы тупатэм вуэн бекчеос, сюе копаса пуктоно вуэн вышкыос, пуктон отчы ик ведраос, лопатаос, чужон'ёс, кыскано люк'ёсы суй-яке песок.

Вуэн вышкыос но ведраос пуктылэмын луыны кулэ котькудаз нянен амбар'ёс доры. Противопожарной безопасностылэн правилоосыз кулэ каро сое, чтобы зернохранилищес взын медам луэ пуос но пёртэм жуг-жаг, чтобы кутсаськон лапас'ёс лэсьтэмын мед луозы юртер'ёс бордысен, ичиз вераса, 150 метре. Кутсаськон интыосты котыр гыроно, ичиз вераса, 3 метр пасыта анаен но сузяно пёртэм будос'ёслэсь но куасьем турынеслэсь.

Нюлэс но торфянной масив'ёслы, озы ик чугун сюрес'ёслы матын интыосын бусы дур'ёс одно ик гыремын луыны кулэ. Кабан'ёсты люканы кулэ (кусып'ёссэ 20 метр кельтыса) кык кабан гинэ, со дыре ик кабан'ёсты люкано личиесь, кузьдалаез'я 15 метр

пасыталаез'я 5 метр но жуждалаез'я 4 метр. Котькуд кабан котырез одно ик гыроно, ичиз вераса, одйг метр пасыта. Кабан'ёс котырьсь вышкыосты тыраз вуэн возёно, котькуд вышкы дорын мед луоз 2 ведра но кёняке чужон.

Кабан'ёсты возмасьёслы тодазы юн возёно, что кутсам куро соку ик палэнтэмын луыны кулэ. Куроез люкано кутсаськон машина бордысен 100 метр но кабан'ёс дорысен 200 метр кеме. Овёл лэзёно куроез кутсаськон интые вёлдыны.

Если тушмонлэн самолет'ёсызлы асьмелэн мирной бусыосамы прорваться карыны но зажигательной бомбаосты куштыны кылдиз ке, пожарлэсь кышкытлыксь пумитано тырмыт лачмытэн но бськыса но сое жожен палэнтано.

Бомба взысь жуаны кутскем нянез жожен кысыны кутсконо, тылэз ньдр'ёсын, корт'ёсын шуккылыса, суйен согыса. Бомбаосты чоксалэ луоен но кыскалэ вуэн. Жуаны кутскем участоклэсь котырээ жожен гудэлэ но турналэ. Кабан вылэ бомба усыку жуаны кутскемгэ нянез чик жегатскытэк октоно но тылын басьтэм культюосты вань луонлык'ёсын кысоно, взысьтыз кабан'ёсты тыллэсь утялтоно.

Асьмелэн трактор'ёсмы, локомобильёсысь машинист'ёсмы та дыре ас ужазы уката но сак луоно. Машинаосты горючиен небрежно заправить карем луыны быгатэ пожарлэн мугеныз. Котькудаз дугдылон'ёсы кельтоно, троссэ вераса, 5 трактор'ёсты но комбайн'ёсты, со дыре ик полевой стан'ёслэн тйрлык'ёсыз пёлын одно ик луыны кулэ луоен ящик'ёс, лопатаос но огнетушитель'ёс.

Тодазы усыкытоно луэ вань ву басытон источник'ёсты умой тупат'ян сярсь—колодец'ёсты сузяно, шур'ёс, пруд'ёс, тыос дуре под'езд'ёс лэсьтоно, насос'ёсты установить карыны понна но вуэн бекчеосын но ведраосын омыр'яны понна площадкаос лэсьтоно.

Колхозник'ёс тодазы возёно луо, что събсьяскем тушмон коткыче амал'ёсын туртске советской ваньбурез быдгыны, фронтэн чош героически нюр'яскысь тыллы куашкатор'ёс лэсьтыны. Урожайез охранять карон, нянь запас'ёсты охранять карон—бадзым ответственной уж. Со аслыз кулэ каре вань колхозной крестьянстволэсь саклыксь.

Ф. Коробейников,
СССР-лэн НКВД-езлэн пожарной охраная главной управлениезлэн начальни-кезлэн заместителэс.

Советской Информбюролэсь 10 августэ жыт ивортон

10 августэ асьмелэн войскоосмы противникен кужмо жугиськон'ёс нуизы Сольской, Холмской, Смоленской, Белоцерковской но Уманьской направлениосын.

Асьмелэн авиацимы наземной войскоосын валче действовать карыса удар'ёс лэсьтылдыз тушмонлэн мотомехчастьёсыз но пехотаез вылэ.

9 августэ асьме авиациен 45 немецкой самолет'ёс усыкытэмын. Асьмелэн ыштон'ёсмы 25 самолет'ёс.

Уточненной даннойёс'я немецкой самолет'ёслэн 10 августэ потон уин Москва вылэ налетсы дыр'я усыкытэмын не 8 самолет'ёс, кызы возматскиз азьло, а 10 самолет'ёс. Со сяна, асьмелэн истребитель'ёсмы 9 августэ нуназе ПВО-лэн Московской зонаяз 5 немецкой самолет'ёсты-разведчик'ёсты быдтызы.

Асьмелэн Н-ской соединеными Лукьянов эшлэн командовать каремез улсын разгромить кариз 312-тй пехотной полккэсь 2 немецкой батальон'ёссэ но мотомехпехоталэсь батальонэз. Фашистской войскоосын жугиськон кутскиз германской батареяослэн кык час'ем артиллерийской ыбылськонзы бере. Немец'ёс атаковать каризы асьмелэсь бурпал флангес, кудаз действовать кариз Степин подполковниклэн частез. Степин эшлэн частысьтыз боец'ёс артиллерийен но минометной группаен поддержать карем'ёс, немецкой эшелонэз сэрпалтызы но солы бадзымьсь из'ян лэсьтызы. Озы ик азинлыко отбить каремын вал кыктэтйез но атака.

Та кык атакаос бере немец'ёс выльысь кутскизы бур пал флангез артиллерийсь ыбылыны. Одйг час ортчем бере огневой даосыскон шёдтэк шорысь дугдытэмын вал. Бур пал фланге лыктыны кутскиз немец'ёслэн танковой группаы. Со лэземын вал обороналэн пылло мышказ, отысен быдэсак куашкатэмын 23 вражеской танк'ёс. Аслаз танк'ёсызлэсь вис'ям противниклэн пехотаез миномет'ёслэн тыл улаз сюрриз. Бойын умойен возматйызы асьсэдыз минометчик'ёс Сидоров, Кожемя-

кин но Микеладзе эш'ёс, куд'ёсыз 200-лэсь но трос неприятельской солдат'ёсты быдтызы. Тушмонэз сэрпалтыса, Степин подполковниклэн частез контрнаступление потйз. Советской войскоос быдтызы 8 немецкой пушкаосты, 11 пулемет'ёсты, 3 автомашинаосты но басытэмын сюрслэсь но уно снаряд'ёс, 500 гранатаос, трос патрон'ёс но одйг батальонной радиостанция. Жугиськон бусые кылдиз 400-лэсь но трос немецкой солдат'ёслэн шойёссы. Пленэ басытэмын 219 солдат'ёс.

Северной флотлэн 2 кораблез басытэмы боевой задание—Н-ской губалэн районьсытьзы противниклэсь артиллерийской огневой точкаоссэ быдтыны. Корабльёс вражеской батальон'ёс доры матэ вуыса куашкатымон тылээс устызы. Артиллерийской канонада кыстыськиз 2 час ёрос. Фашистской бомбардировщик'ёс туртско вал асьмелэн корабльёсмылы локетыны но улямын вал соос зенитчик'ёслэн шонер тылнызы. Быдтэмын 2 фашистской батареяос. Корабльёс берытскизы базаосазы пичи но повреждениос басытытэк но личной составезлэн ыштон'ёсызтэк. Операциос мыныку отличиться кариськизы орудислэн командир'ёссы Обухов но Редичев эш'ёс.

Секыт танклэн командирез Егоров эш тушмонлэн мышказ разведывательной 22 рейд'ёс лэсьтыз но быдтыз 7 фашистской танк'ёсты, бензинэн 9 цистернаосты, боеприпас'ёсын но продовольствиен 64 грузовик'ёсты, 9 противотанковой пушкаосты, 8 станковой пулемет'ёсты но трос фашистской солдат'ёсты.

Константинов лейтенантлэн разведывательной самолетэз шедтыз тушмонлэн пыдлось мышкысьтыз шоссе выльысь немецкой танк'ёслэсь колонназэс. Разведкалэсь даннойёссэ басытыса, командование ыстыз противниклэсь танк'ёссэ быдтыны понна Астров капитанлэн самолет'ёсызлэсь группаэз. Самолет'ёс пыризы целе но шонер удар'ёсын кутскизы колоннаез поражать карыны. Та азинлыко бомбеж-

каен быдтэмын вал 13 немецкой танк'ёс.

Северо-Западной направлениын действовать карись Н-ской красноармейской частьлэн командирез ыстыз засада 20 боец'ёсты младший политруклэн Черепанов эшлэн кивалтэм улсаз. Кема ик улытэк засада азе потйз противниклэн 2 ротаез. Боец'ёс фашист'ёсты кёня ке дасо метр кеме лэзызы но шодтэк шорысь пулемет'ёсысь но винтовкаосысь немецкой солдат'ёсты ыбылыны кутскизы. Жугиськон бусые 20-лэсь но ятыр вием но 40 ёрос сёсыртэм солдат'ёсты кельтыса фашист'ёс чигназы.

Югославилэн нюлэс'ёсаз но гурезьёсаз немецко фашистской войскоослы пумит нюр'яскысь партизанской отряд'ёс сзэз действовать каро. Югославской партизан'ёс чемато асьсэ-лэсь нападениоссэ бадзымьсь оккупационной германской но итальянской армиос вылэ. Та нунал'ёсы кёня ке партизанской отряд'ёс чош обрушиться кариськизы 2 немецко-форвационной батальон'ёслэн регулярной войскоосыз вылэ но соосты быдэсак пазыгызы. Фашист'ёс ыштызы виемын но сёсырмемен 250 ёрос солдат'ёсты но офицер'ёсты. Партизан'ёсын таламын 5 капчиесь горной пушкаос, 2 зенитной установкаос, 7 станковой пулемет'ёс, 200 ёрос автомат'ёс но капчиесь пулемет'ёс, 20 сюрс винтовочной но пулеметной патрон'ёс. Партизан'ёсын умой освоить каремын немецкой оружие но соос азинлыко кутысько оккупант'ёслы пумит. Берло арняе партизан'ёс усыкытызы басытэм немецкой пулемет'ёсын 3 фашистской самолет'ёсты. Карательной немецкой отряд'ёс котькуд ванышазы ваче вуо партизан'ёслэн зол-зол пумит'ясконэнызы. Одйг фашистской часть Загребасысен Новскозь ортчиз 3 нунал куспын. Одноколейной сюрес куашкатымын вал партизан'ёсын 12 интыосын. Немец'ёслы кулэ луиз ыштыны трос дыр сюресэз тупатыны понна. Соослы со котьку ик сылылдыз трос солдат'ёс, малы ке шуйд, сюресэз тупат'ясь фашист'ёсты партизан'ёс ыбылтызы.

Берлинлэн районаз Советской самолет'ёслэн кыктэтй налетсы

9 августэ потон уин асьме, самолет'ёслэн группаы германие разведывательной цельёсын лэсьтыз кыктэтйэз налёт но куязы зажигательной но фугасной бомбаосты Берлинлэн районаз военной объект'ёс но чугун сюрес'ёс вылэ. Летчик'ёс эскеризы пожар'ёс-

ты но пуштон'ёсты. Германской артиллерийлэн действиясыз луизы кужымтэ-месь.

Асьмелэн самолет'ёсмы, одйгез сяна, кудээ али утчан мынэ, ваньмыз ик берытскизы асьсэлэн базаосазы. (ТАСС).

Югославиын массовой казньёс

Американской газетэа „Нью-Йорк Таймс“ ивортэ, что арня куспын 28 июльсысен Югославиын властылы пумит'яськемзы понна но партизанской нюр'ясконнын участвовать каремзы понна казнить каремын 350 адыми. (ТАСС).

„Ужало аслэстым кужыме жалатэк“ — вераз германской фашизмен жугиськонын бырем капитан — летчик лэн Гастело геройлэн мумиз, — „Красный Богатырь“ (Москва) заводлэн ужасез А.С. Гастело.



А. С. Гастело ужез бордын. ТАСС-лэн фотоэз.

Азьмынись колхозын бусы уж'ёс

„Юж-Пурга“ колхоз октон-калтон уж'ёсты умой дасяськыса пумитаз. Турын турнанзэ азинлыко йылпум'яса колхоз 4 августэ зегзэ массово аран борды кутскиз. Вань аран машинаос но ужась кужым удалтэм ю-нянь жог но ыштон'ёстэк октыны-калтыны понна организованно бусые поттэмын.

Урмем гитлеровской фашизмен жугиськыны мынэм воргорон'ёсты воштыса, пересьёсыз но пинал'ёсыз но колхозник'ёс, куд'ёсыз ужаны быгато, бусые поттызы. Тани куиньметй бригадаыс 50 арес'ем пересь колхозница Шалаева Парасковья кыи араны нормазэ нуналаз 120—150 процентлы быдэс'я.

Шалаева эш пересь ке но, ужа егит мылдын, со аслаз честной уженыз пример возмат'я тросэзлы егит колхозник'ёс. „Мон — вера со, — гитлеровской бандитэз жоген пазыгыны

Понна, Красной Армилы юртгыса, ужало на эшшо но умойгес, вань кужымме поныса“.

Октон-калтон ужын бригадаос чошаткыса ужало. Ужась кужым шонер рад'ямын. Аран дырлы 2—3 адямилэсь звеноос кылдыт'ямын. Тросэз колхозник'ёс нимазы-нимазы участок'ёс бастыса ужало. Ужась кужымез шонер рад'ямен нуналлы быдэ йылэ стахановец'ёслэн лыдзы. Тужгес ик умой ужало нырысетй бригадаыс Е. Некрасова, П. Иванова эш'ёс. Куиньметй бригадаыс Е. Быкова, М. Шутникова, В. Ильина но трос мукет'ёсыз эш'ёс.

Звеноен ужан умой пуктэмын кыктэтй бригадын. Татын звеноос кылдыт'ямын кык муртлэсь. В. Боталова, М. Боталова, К. Хомякова, А. Никифорова но О. Боталова эш'ёслэн звеноосы нуналлы тупатэм нормаоссэс 120—

160 процентлы быдэс'яло. Та бригадаыс ик нимаз ужась колхозница А. Зянкулова эш нормазэ нуналлы быдэ 200 процентлы быдэс'я. Ваньзы ик нормаоссэс быдэс'яса но мултэсэн быдэс'яса ужась колхозник'ёс ВКП(б) ЦК-лэн но СССР-лэн СНК-езлэн постановленизья ужамзылы кык полэс дун басты.

Будэ стахановец'ёслэн лыдзы етйн ужын но. Етйн ишконын ужало дышетскись пинал'ёс но мыйыос. 50 ареслэсь но бадзымез колхозницаос А. Соколова но Е. Боталова нормазэс 120 процентлы быдэс'яло. Колхоз 12 август азелы етйнзэ ишкыз 33,3 процентлы, зегзэ араз 66,6 процентлы.

Куать августысен колхоз зег кизыны куткыса туннэ нуналлы 34 гектар кизиз.

М. Боталов.

Эскадрилилэн командирез капитан Гастело героической подвиг лэстыз. Солэн самолетэзлэн бензин баказ тушмонлэн зениткаезлэн снарядэз йётыз. Кышкэсьтэм командир тылэн бастэм самолетэс тушмонлэн огазе люкаськем автомашинасыз но бензиновой цистернаосыз вылэ направить кариз. Геройлэн самолетэныз чош ик дасоен германской машинаос но цистернаос пушттызы.



Ванды но утыалты

Населенной пунктэз светомаскировать карон

Светомаскировка лэн задачаез — омырьсь противниклы ориентир'ёсты бвёл сетоно, палэнтон сое прицельной бомбометаниез нуны луонлыклясь. Пеймытатон быдэсак лэстызымын луыны нулэ. Тодын возёно, что котькудиз тылси, туж пичиез но тушмонлы разбойничей ужзэ быдэс'яны капчиятыны быгатоз. Соин ик котькудиз населенной пункт — город, гурт, чугун сюрес станция — пеймытатэмын луыны кулэ озы, чтобы солэн югытэз кыре медам пишты ненокытысь но. Со дыр'я светомаскировка населенной пункт'ёслэсь нормальной улонзэс но предприятиослэсь производственной ужзэс медаз сёры.

Улон нормаосын маскировать каронлэн умой способеныз луэ укноосты чоктан. Материал, кудйзлэсь лэсты штораос (юн куэм ткань, фанера, яке трос полэс лякылэм газетной бумага), югытэз пыртыз медаз лэзы. Штораос ошисько озы, чтобы пичи но пасьёс, вис'ёс медам кыле. Со понна штораос укноослэсь 40 сантиметрлы паськыт луыны кулэ.

Штораос огшоры дасясько: борддор борды укно валлапала юматйське пулэсь лэстытэм планка, со борды шуккиське штора. Улйяз штора борды юматйське мукетыз планка, кудйз штораез лэзён дыр'я грузэн луэ.

Кухняосын, кытын жуало плитаос, керосинкаос, примус'ёс укноос одно ик чоктасько.

Завод'ёсын но фабрич-

ёсын бадзым лампаос обычно октысько, организоваться кариське озы нимаськись интысь югдытон, мукет сямен вераса, котькуд станокез но агрегатэз нимаз — нимаз югдытон. Приозводстволэн командир'ёсыз но вань рабочий'ёс сак эскероно луо югдытонлы тупатэм режимез.

Урам'ёсын, сюрес'ёс, площадьёс вылын тупатйсько специальной полосаос, пус'ёс, сигнал'ёс, куд'ёсыз капчиято пыдын ветлйсьёслэсь но транспортлэсь движенизэс.

Город'ёсын но гурт'ёсын котькуд предприятиосын но котькуд коркан кышкыт положение дыр'я самой строгой светомаскировочной дисциплина юн эскериськыны кулэ. Вань граждан'ёслэн обязанностьы — эсерыны нотынытын-а умой пеймытатэмын уноос но ёс'ёс. Кытын ке тыл адске ке, сое соку ик палэнтон понна ужрад кутано.

Тодады возе, тушмон асьмелэн странаымы шпион'ёсты ыстэ, соос световой сигнализациен возмат омырьсь противниклы бомбометани понна цельёсты. Луэ бдительность! Сан эснере сое, нытын ялэмын кышкыт положение быдэсак пеймытатон мед эскерисьноз. Властьлэн орган'ёссылы ивортылэ кин куашкэтэ светомаскировкаез. Сыче адямиосты, котькин соос мед луозы, судить кароз военной трибунал, но судить кароз военной дырлэн вань строгостеныз.

Майор Н. Семенов.

Ужамзылы кык полэс дун басты

Бурановской сельсоветысь „Квадашур“ колхозлэн машинистэз А. Девятон эш нырысь нуналэ ик нормая 4 гектар ингые 7 гектар араз. Нормазэ мултэсэн быдэстыса ужамез понна ВКП(б) ЦК-лэн но СССР-лэн СНК-езлэн постановленизья кык полэс дун тыремын. Девятон эш одйг нуналын 6 трудоденьлы ужаз.

Со бастэм азинскон'ёсыныз уг буйгаткы, аранлэн сезонэз куспын, 7 футовой аран машинаен, 200 гектар араны вылйсь обязательство бастыз. Нуналаз 10 гектар араны кыл сётыз.

Синмаськымон ужало кыи арась колхозник'ёс

но. А. Акилова эш нормая 0,20 гектар интые 0,27 гектар араса 3,9 трудодень бастыз. Е. Байсарова но А. Байсарова эш'ёс нуналаз быдэн 0,22—0,23 гектар арамо.

Дышетскись пинал'ёс Анастасия Байсарова но Афанасия Байсарова етйн ишконын нормаез 120—130 процентлы быдэс'яло. Соос ужамзылы кык полэс дун басты.

„Виль кужым“ колхозысь колхозница П. Тунцарева эш машина бёрсе нуналаз 600—700 культо керттэ, нормая 450 интые. Тунцарева эш 3,5—4 трудоденьлы ужа.

А. Анилов.

Государстволы нянь сётэ

Ст-Монья. (Телефонэн бастэмын). „Горд Пельга“ колхоз (председателез И. Васильев эш) виль урожайсытыз нырысь кутсам ю-тысьсэ государстволы сётэ. 10 августэ, районын нырысен, „Заготзернолэн“

агрызской пунктэз 17 цент нер зег сётыз но нырысетй номерен квитанция бастыз.

Виль урожайсы ю тысьсэ сётыны кутскизы „Быстро“, „9-е января“ но „Восход“ колхоз'ёс.

П. Николаев.

Гитлеровской бандит'ёслэн подлой нападенизлы пумит ответэн, Свердловской облагысь Петрокамской районсы колхозник'ёс горд обоз'ёс организовать каризы. Вуж урожайсы 700 пуд ю тысь туэ арын нянь сётон счетын дырызлэсь азьло государстволы сётэмын.



„Красный партизан“ колхозлэн горд обозэз. ТАСС-лэн фотоэз.

Ку жуа бак, ку кулонлэсь мозмонэз бвёл ини, Ку улонлэн секундаосыз лыд'ямын, — Берпум секундаез но вормон понна, Берпум шокчёнэз но страна понна!

Уз пöя кылкись машина, —

Бомба кадь целе, усёз жуаса,

Танк'ёслэн, порохлэн, бензинлэн люказы

Куштэ со ассэ но самолетсэ.

Шуккиськыз но пуштйз!

Пегзо фашист'ёс кесяськыса,

Тыл соосты сутэ пегзон язы.

...Озы быре гражданин но воин

Ас кулонэныз враглы кулон нуыса.

Виль дышетскон арлы дасясько

Дышетскыны кутскытоз 17 нунал кылиз на. Районысь данакезлэн школаослэн заведующийёссы дырыз-дыр'я скулмаскеменызы дышетскон арез умой дасяськыса пумитало.

Гожнийской начальной школаэн заведующоез И. Санников эш виль дышетскон арлы школазэ дасян борды тулысьсен ик кутскиз. Али дырлы солэн школаез быдэсак дась. Толалтэ азелы пу вандыса дасямын. Дышетскыны шедь пинал'ёс ваньмыз ик лыдэ бастэмын. Тирьмон обеспечиться кариськемын наглядной пособием.

Дышетскон арлы умой дасяськызы Абдес-Урдесской, Яган-Докьинской, М-Бодьинской начальной школаос. Ср-Кечевской, Бурановской но Уромской неполно-средней школаослэн директор'ёссы но школаоссэс дышетскон арлы скулмаськыса дасязы.